

Title	袖章記
Author(s)	吉田, 鋭雄
Citation	懐徳. 1939, 17, p. 49-50
Version Type	VoR
URL	<a href="https://hdl.handle.net/11094/89026">https://hdl.handle.net/11094/89026</a>
rights	
Note	

*Osaka University Knowledge Archive : OUKA*

<https://ir.library.osaka-u.ac.jp/>

Osaka University

文 詩

繼水哉館稱號告本支二家諸先生文

中井木菟麻呂 天生

維昭和十四年五月一日。不肖天生敬告本支二家諸先生之靈。天生既寄進懷德堂水哉館遺書於重建書堂。還京洛卜居於左京區大堰坊。啓室內一小棚爲先龕。奉祀貽範家君以下十七位聽事。掛水哉館扁額以名于家。第懷德堂已有重建之實。而水哉館空名久存。以先君子繼宗家。天生嗣支家稱。則有淆本支之嫌。故不敢稱之於館。今也舉懷德堂水哉館遺書。寄進之於懷德堂記念會。則懷德堂而兼行水哉館事也。天生在新居。而修纂二家先人遺草。其名雖曰水哉。而兼傳兩學根紐者。系屬宗家而假名於別疇也。先賢之靈。幸無所咎。尙饗。不肖孫天生稽顙謹告。

袖 章 記

吉 田 銳 雄

是赤錦一片。先考從戊辰之役。著之袖上。以爲表識者也。長五寸。幅一寸五分。雖色澤褪損。餘光照座。使人足思當年奮戰之狀矣。按是役。小松宮彰仁親王爲征東總督。品川彌二郎爲參謀。錦旗旣進。破賊伏見鳥羽。旋入奧羽。三道險甚。士卒皆著錦章。唱登古頓曲。行進軍曲軍以大振。所向無敵。幕黨大敗。東北悉平。維新大業乃成。先考時年壯氣銳。轉戰有功。後久之。獲此章於囊中。每談及當時事。輒出示人。年雖老。心之壯。有以感起人。自先考歿已三十年。見物思人。音

容髣髴。不禁風樹之感也。謹記所由。以藏于家云。

題赤壁夜遊圖

武

藤

甚東邨

興亡如夢過。吟眸緬想元豐壬戌秋。江上清風徐拂拭。山間明月落扁舟。

早秋書懷

庭梧影裏露華浮。蟾魄傾西星漢流。自認襟懷徒落落。尙知吟肚更悠悠。天涯客夢驚時序。地角歸心歎薄遊。又值一身蕭寂夜。繞窓蛩語惹新愁。

春日閑詠得青

酒

井

全鳴谷

雨後春庭花木馨。山容翠色入松扃。陶然萬象牽詩興。睨睨鶯鶯聲滿野亭。

新夏雨窓得麻

朝來細雨過窓斜。淺綠幽庭夏色加。午院蕭閑詩味爽。湘簾不動茗烟遮。